

WILLIAMS, OWEN (GAIANYDD) (1865 - 1928), gweinidog gyda'r Methodistiaid Calфинаidd a llenor

Enw: Owen (Gaianydd) Williams

Dyddiad geni: 1865

Dyddiad marw: 1928

Rhyw: Gwryw

Galwedigaeth: gweinidog gyda'r Methodistiaid Calфинаidd a llenor

Maes gweithgaredd: Crefydd; Hanes a Diwylliant; Llenyddiaeth ac Ysgrifennu

Awdur: Katharine Monica Davies

Ganwyd 8 Hydref 1865 ym mhlwyf Llangwyllog, sir Fôn. Bu'n gweithio ar fferm hyd yn 10 oed, pan gafodd ddamwain dost a bu'n dioddef o'i phlegid ar hyd ei oes. Cafodd ei addysg o dan y Parch. Hugh Richards yn Llannerchymedd, y Parch. R. M. Jones yng Nghaergerby, ac yng Ngholeg y Brifysgol, Bangor. Ordeiniwyd ef yn 1897, a'i sefydlu'n fugail ar eglwysi Ro Wen a Tyn-y-groes, lle'r arhosodd hyd ei farwolaeth 11 Tachwedd 1928. Yr oedd yn bregethwr dawnus ac yn fugail cydwybodol a roddai ei wasanaeth yn hael i bobl yr ardal yn gyffredinol. Yr oedd yn llenor ac yn hanesydd diwyd. Gwnaeth astudiaeth arbennig o hanes a hynafiaethau ei sir enedigol. Ysgrifennodd yn helaeth i gylchgronau a newyddiaduron. Cyhoeddodd 'Hanes Llannerchymedd a'i Henwogion,' yn *Hanes a Chyfansoddiadau Arobryn Eisteddfod Llannerchymedd* (Cymdeithas Eisteddfod Môn, 1906); *Ein Pobl Ieuainc ...* (Caernarfon, 1906); *Dafydd Jones o Drefriw ...* (Caernarfon, 1907); *Dewis Aelod Seneddol: Drama Gymreig* (Conwy, 1910), *Cymeriadau'r Hen Destament ...* (Conwy, 1926).

Yr oedd yn r priod a ganwyd iddo ddau fab ac un ferch.

Awdur

Katharine Monica Davies

Ffynonellau

Who's who in Wales (Cardiff, 1921)

Y Goleuad, Tachwedd 1928

Y Cloranydd, Tachwedd 1928

North Wales Weekly News, Tachwedd 1928

Blwyddiadur y Methodistiaid Calфинаidd (Caernarfon, 1930)

NLW MSS 4948, 5579, 6035-40

Dolenni Ychwanegol

Wikidata: [Q20821195](https://www.wikidata.org/wiki/Q20821195)

Dyddiad cyhoeddi: 1953

Hawlfraint Erthygl: <http://rightsstatements.org/page/InC/1.0/> 

Mae'r Bywgraffiadur Cymreig yn cael ei ddarparu gan Lyfrgell Genedlaethol Cymru a Chanolfan Uwchefrydiau Cymreig a Cheltaidd Prifysgol Cymru. Mae ar gael am ddim ac nid yw'n derbyn cymorth grant. Byddai cyfraniad ariannol yn ein helpu i gynnal a gwella'r wefan er mwyn i ni fedru parhau i gydnabod Cymry sydd wedi gwneud cyfraniad nodedig i fywyd yng Nghymru a thu hwnt.

Evch i'n [tudalen codi arian](#) am ragor o wybodaeth.

